

09.12.2020.

Za ublažavanje negativnih ekonomskih posljedica izazvanih pandemijom virusa COVID-19 privrednim subjektima s prostora BPK Goražde, po Zakonu o ublažavanju negativnih ekonomskih posljedica izazvanih pandemijom sa federalnog i kantonalnog nivoa i Uredbom Vlade FBiH izdvojena finansijska sredstva u iznosu od 2.727.104 KM



Premijerka Bosansko-podrinjskog kantona Goražde Aida Obuća upriličila je danas sastanak sa predstavnicima Privredne i Obrtničke komore te Udruženja poslodavaca BPK Goražde.

Na sastanku kojem su prisustvovali i ministri za privredu i finansije Mensad Arnaut i Esad Kanlić, razgovarano je o planovima i aktivnostima za narednu godinu, koji će prvenstveno imati za cilj pomoć obrtu i privredi u prevazilaženju poteškoća u njihovom poslovanju, posebno u vrijeme borbe protiv pandemije virusa COVID-19.

Kako je istaknuto na sastanku, Vlada BPK Goražde je u vrijeme borbe pandemije protiv virusa COVID-19 pružila značajnu podršku privrednim subjektima s prostora našeg kantona. Za tu podršku po Zakonu o ublažavanju negativnih ekonomskih posljedica izazvanih pandemijom sa federalnog i kantonalnog nivoa i Uredbom Vlade FBiH, izdvojena su finansijska sredstva u iznosu od 2.727.104 KM.



Značajna podrška našim privrednim subjektima očekuje se do kraja godine po okončanju procedure javnih poziva federalnih ministarstava za okoliš i turizam, promet i komunikacije te poljoprivredu na koje su aplicirali privredni subjekti s prostora BPK Goražde.

Kako je ovom prilikom istaknuto, za saniranje posljedica pandemije COVID-a 19 samo po Zakonu o ublažavanju negativnih posljedica na kantonalnom nivou sredstva u iznosu od **642.91**

2,00 KM

isplaćena su za

2.722

radnika,

200.000,00 KM

dobile su zdravstvene ustanove, a

127.600,00 KM

isplaćeno je po osnovu javnog poziva za dodjelu jednokratne novčane pomoći za 2552 penzionera sa najnižom isplaćenom penzijom u FBiH i licima starijim od 65 godina koji su u vrijeme trajanja stanja nesreće bili u stanju socijalne potrebe.



Odlukama Vlade 91 privredni subjekt, odnosno 178 radnika dobili su sredstva za pola martovske plaće, u što je utrošeno **36.490, 00 KM** .

Za 17 privrednih društava (86 radnika), te 112 korisnika obrta (198 radnika), po osnovu plaće za april isplaćena su sredstva u iznosu od **34.916,00 KM**, odnosno **80.388, 00 KM**.

Za mjesec maj, Vlada je isplatila **78.362,00 KM** za 114 obrtnika (193) radnika, kao i **24.766,00 KM** za 17 privrednih društava, odnosno 61 radnika.

S obzirom da su privredna društva i obrtnici registrovani na području BPK Goražde do sada iskazali visoku društvenu odgovornost, posebno u vrijeme borbe protiv pandemije virusa, Vlada BPK Goražde i resosno ministarstvo će i u narednom periodu nastaviti dobru saradnju sa predstavnicima Privredne i Obrtničke komore te Udruženjem poslodavaca, i u skladu sa finansijskim mogućnostima u budžetu, nastojati pružati adekvatnu podršku privredi i obrtu na prostoru BPK Goražde.



S tim u vezi sa današnjeg sastanka doneseni su zaključci, čija implementacija će doprinijeti uspješnijem kreiranju podsticajne politike te mjera za suzbijanje ekonomskih posljedica prouzrokovanih pandemijom virusa COVID-19, a kada je riječ o podršci privredi, poduzetništvu i obrtu kod kreiranja kriterija, neophodno je da resorno ministarstvo uvažava prijedloge i sugestije predstavnika koji predstavljaju ove privredne subjekte. Također, dogovoreno je da se u budžetu za 2021.godinu, poseban akcenat stavi na ekonomske kodove za pomoć privredi i zdravstvu.